

Wax ku saabsan hagahan

Qaxootiga iyo magangalyodoonka badanaa waxay la kulmaan adeegyada dadweynaha mas’uulka ka ah guriyeynta, caafimaadka iyo daryeelka bulshada iyo waxbarashada.

Buugan wuxuu diiradda saarayaa guriyeynta, iyadoo la aqoonsanayo in dhibaatooyinka la xiriira meesha aad ku nooshahay ay si xun u saameyn karaan qaybaha kale ee noloshaada. Tusaale ahaan, dadka waxaa marar badan loo rari karaa guryo iyaga oo aan la sii ogeysiinin, iyaga oo aan loo sheegin sababta arrintaasi u dhacday, lana siinin wax taageero ah.

Hagahan wuxuu sharxayaa sida xuquuqda aadanuhu noqon karto aalad awood leh marka hay’adaha dadweynuhuqaadanayaan go’aammo saamaynayaa noloshaada (iyo nolosha qoyskaaga).

Sharciigaaga Xuquuqda Aadanaha

Xeerka Xuquuqda Aadanaha waa sharci ilaaliya qof kasta oo ku nool Biritayn ay ku jiraan dadka qaxootiga iyo magangalyo–doonka ah. Xeerka Xuquuqda Aadanaha wuxuu sharci ka dhigaa in hay’adaha dadweynuhu dhowraan xuquuqdeenna aadanaha.

Hay’adaha dadweynuhu waa adeegyada ay bixiso dowladdu. Waxaa ka mid ah Housing Executive ee Waqooyiga Ireland.

Noocyada kale ee ururrada sidoo kale waa inay ka jawaabaan xuquuqdaada haddii ay bixiyaan adeeg dadweyne. Tani waxay ka dhigan tahay in ururrada guriyeynta uu saaran yahay waajib ah inay wax ka qabtaan xuquuqdaada.

Sharciigaaga Xuquuqda Aadanaha

Xeerka Xuquuqda Aadanaha wuxuu ilaaliyaa 16 xuquuqood oo muhiim ah. Waxaannu ku darnay laba xuquuqood oo la xiriira dadka qaxootiga iyo magangalyodoonka ah oo buuggan loogu talaggalay. Hay’adaha dadweynuhu waa inay:

- **Qaddariyaan xuquuqdaada** – Waa inaysan ku xadgudbin xuquuqdaada marka horeba.
- **Ilaaliyaan xuquuqdaada** – Qaadaan tallaabooyin firfircoon si loo hubiyo in xuquuqdaada aan lagu xadgudbin.
- **Fuliyaan xuquuqdaada** – Baaraan marka wax khaldan uu dhaco.

Waad sawiri kartaa koodka QR ee bogga dambe ee hagahan si aad u ogaato xuquuqahaaga.

Inaad u hadasho xuquuqdaada aadanaha

Xeerka Xuquuqda Aadanaha wuxuu ku siinayaa awood marka aad lagu siinayo adeegyada dadweynaha. Weydiisashada in xuquuqahaaga la qaddariyo macnaheedu waa inaad ka codsato in sharci la raaco. Haddii taas la sameyn waayo, waxaad dacwad sharci ah u gudbin kartaa maxkamadda deegaankaaga ee Waqooyiga Ireland. Laakiin, aqoonta iyo sheegashada xaqagawaxay kaa caawin kartaa in dhibaatooyinka la xalliyo adiga oo aan qareen lahayn.

- Diiwaangeli faahfaahinta xaaladdaada.
- Si aan rasmi ahayn uga hadal arrinta (oo kala shaqee adeegyada inay xal helaan).
- Soo gudbi cabasho rasmi ah (tusaale u gudbi Fulinta Guriyeynta)
- Raadso talobixin sharciyeed

Hagahan waxa la sameeyay kaddib markii lala shaqeeyay haween qaxooti iyo haween magangalyodoon ah oo ku nool Waqooyiga Ireland si dadka looga caawiyo inay bartaan oo sheegtaan xuquuqdooda aadanaha. Waxaa soo saaray Ururka Haweenka Qaxootiga iyo Magangalyodoonka ee Waqooyiga Ireland (Bomoko NI) iyo BIHR.

Sawirk koodka QR si aad u hesho macluumaad dheeri ah, ay ka mid yihiin afafka hagahan loo tarjumay, ama booqo <https://linktr.ee/bihr1>



Hagahan waxaa loogu talaggalay inuu noqdo mid macluumaad oo keliya lagu soo gudbinayo. Looguma talaggalin inuu noqdo talo ama hagid sharciyeed ahaan. La daabacay Nofeembar 2024

Xaqaaga nolol gaar ah iyo mid qoys, guri iyo wax isu soo diris

Qodobka 8 ee Xeerka Xuquuqda Aadanaha

Xuquuqdan waxay ilaalisaa arrimaha kuu gaarka ah, caafimaadkaaga jireed iyo maskaxeed, xiriirkaaga, bulshadaada, ku raaxaysiga gurigaaga hadda iyo awoodda aad u leedahay inaad go'aammo ka gaarto noloshaada.

Xuquuqdan ma aha mid dhammaystiran, taasi macnaheedu waa mararka qaarkood hay'adaha dawladda waxay gaari karaan go'aammo saameeya xuquuqdan. Waxay sidaas samayn karaan keliya haddii:

1. **Ay sharci tahay**
2. **Leh sababo macquul ah**
3. **Xaddidan**

Xuquuqda Aadanaha ee nolosha:

Kaddib markii la siiyay sharci qaxootinimo, Mrs. A waxaa la dejiyay guriku-meel-gaar ah oo ay la joogto ninkeeda iyo saddexdeeda carruur. Carruurta Mrs. A waxay waxay dhiganayeen dugsiiyo ku yaalla Belfast, laakiin hoteelka ay hadda deggan yihiin wuxuu ku yaallaa meel dhowr mayl u jirta, mana jiro tareen si toos ah u taga, taas oo sababta in marar badan ay ka maqnaadaan dugsiga. Soo rarista ayaa dhacday iyaga oo aan loo sii sheegin goor hore, lamana waydiinin Mrs. A sida isbeddelkan u saameynayo iyada iyo qoyskeeda, sidoo kale lama siinin wax taageero ah oo ay kula qabsadaan isbeddelkan. Gurigan ayaa saameyn aan wanaagsanayn ku leh caafimaadka jireed iyo maskaxeed ee qoyska. Xuquuqda Mrs. A ee ah in la qaddariyi nolosha gaarka ah iyo gurigeeda ayaa halis gali karta.

Xaqa aad u leedahay in aad lagu takoorin

Qodobka 14 ee Xeerka Xuquuqda Aadanaha

Xuquuqdan waxay ku saabsan tahay hubinta in qof walba uu si siman ugu heli karo xuquuqda aadanaha. Xuquuqdan waxaa lagu xoojin karaa mid kale oo xuquuqahaaga ka mid ah, sida xaqa nolosha qoyska.

Takooristu waxay noqon kartaa sabab kasta, sida inaad tahay haweeney iyo magangalyo-doon. Takooristu waxay noqon kartaa in laguula dhaqmo si ka xun sida kuwa kale sababo la xiriiira waxyaabo adiga kugu saabsan, ama in aan xaaladdaada laguula dhaqmin si ka duwan sida dadka kale loola dhaqmo.

Xaqani wuxuu la shqeeyaa sharciyada sinnaanta Waqooyiga Ireland oo mamnuuca takoorista. Waad sawiri kartaa koodka QR ee bogga dambe ee hagahan si aad wax badan u soo ogaato.

Xuquuqda Aadanaha ee nolosha:

Markii Marwo. M ay timid Belfast iyada oo magangalyodoon ah oo wadata saddexdeeda carruur, waxaa la dejiyay guri hoy ku-meelgaar ah. Mrs. M iyo qoyskeedu waa Muslin. Waxay wadaageen qol yar oo hoteel ku yaal halkaasoo Mrs. M ay qasbanaatay inay dharka iskaga beddesho carruurteeda hortooda, taas oo diinteeda iyo dhaqankeeda ka soo horjeedda.

Xuquuqda Mrs. M ee ah inaan loo takoorin ayaa halis gali karta, sababtoo ah waxaa iyaga loola dhaqmi waayay si gaar ah oo waafaqsan diintooda. Arrintan waxaa lagala hadli karaa sarkaalka ka tirsan hay'adaha dadweynaha iyo sidoo kale waxaa laga hadli karaa xaqa ay u leedahay nolol gaar ah iyo mid qoys.

Xuquuqda Aadanaha iyo Guriyeynta

Hage loogu talaggalay qaxootiga iyo magangalyodoonka ku nool Waqooyiga Ireland

